

# OMUKUETU

No: 15

ESIKU 1 lja AUGUST

1939

■ X · X · X · X · X · X · X ■ X · X · X · X · X · X · X ■ X · X · X · X · X · X ■ X · X · X · X · X · X ■

## ONGOJE.

Ongoje to ihempulula: ongoje omükriste. Ongoje ua taambua megongalo lja Kristus kesilohenda ljesašo; no kiilongiŝohenda iikuauo. Omüua kue ku taambiŝa aluhe esilohenda lje. Nangoje kombinga joje ouo opaleke ŝili ŝo ua endasana na Kalunga nokuholoka kelongelokalunga no k Uulalelo Uujapuki. Ihe omükanka guehempululo ljoje ngele kagu ŝi ombinzi ja Kristus nena ehempululo ljoje tali ka gaña no tali ka monika oŝitaliŝua ŝouala, oto ŝi taliŝile aantu manga ongoje muene to ende nondjila taji uuka luo kekaneno.

Omüua te tu pula ehempululo ljaa netenguko. Ihe pamue nehempululo ljoje ngele u hoole uulunde netaliŝo ljouala ljuujuuki, u kale u ŝi ŝi omapili ngaka taga mana po oonkondo zehempululo ljoje, no zuu kriste uoje auhe. Ikonakona ano nuuziginine auhe, nesiku kehe, ngu tale omükanka guehempululo ljoje netegelelo ljeazimo u li na, nkene guatja na mpoka gua za, ogua tulua tuu koŝikaha ŝa Kristus, oŝoka ngele guaa ŝi guo muje, oguo itagu uapa okokola mefundja no miikungulu taji gu aza. Osatana te ŝi kumuna po ŝeke nekumuno lje oljo enenenene ŝili, Matt. 7: 27.

Omühempululi ngoje ho inekele uu kriste uojel Esiku to ka jeliŝua ongiilja. Eitaalo nehempululo ljoje otali ka jelekelua koombinga azihe, otali ka talua ngele lja kola tuu ŝili: Ihuna jouala ngele tali kumunuka ŝeke, ihe ku nomükanka gulue gu negameno.

Omühempululi ngoje ho zilazila o ngoje ua pua, ku na ue ŝoka to ŝi pumbua. Ongoje u kotoke, oŝoka omauaua goje go meni ihaga lueza okuhemuka, nge to tulua muupju uemakelo. Okuitangela iinima ue ji lile ongunga okuo uugoja uunene, nge to ka pulua mbjoka nena ku na ŝa, ŝi ku kuŝe muukualuhe.

Omühempululi ngoje ua jambekiŝua uunongo utale eziño ljaa vape okuitula momüzi, oŝoka esiku ljemakelo otali ka gañe ka oŝihua ŝoje ŝe ku pe omüzile

okomütse guoje. Konakona kehe esiku okukala kuomueño guoje ngu pule: Ombinzi ja Kristus ja kala mo tuu, ji talike momueño guoje? Muujuki uni po ua kuatakaniŝa otegelelo ljuhupiŝo ljoje? Oua manguluka tuu ŝili muujuki uoje muene? Aahempululi aanongo ojendji ŝo ja tala omakulukuma guujuuki uauo auhe oja li je nokuigiza: Jajee nda kana! Onda kana sigo aluhe!

Kala u ŝi ŝi oonata zoondjo tazi uapa okuholama no muuziginini uiilongua no muuehamue uunene ueiuvo. Ino vululukua manga iilalo joondjo jomomueño guoje i naji aluzililua ŝili kombinzi ja Kristus. E guaniŝo ljiilongua joje neifupipiko nokugandja iikuŝa n. ŝ. t. otaji ji siikile uala, ihe kaji nealuzo ljomeni. Ŝaa ŝoka to ŝi hoheliŝa ombinzi ja Kristus otaŝi alula oŝilalo. Oŝo to mono oondjo inazi sindika nando lumue, manga inazi mona Kristus a tikombinzi komüŝigakano omoluoje. Oondjo ihazi sindika ku ŝilue, aue, okokutala kuujuuki ua Kristus oko tuu akuke.





## OUA HALA OKUNINGA OMŪNANDU- NGE NENGE OMŪGOJA?

Omŭtaleli guomanongelo te ende oma-  
nongelo ngaſi kua li he ſi ningi no ſito.  
Oſilonga se oſokutala iilonga nkene taji  
zigininua, naanona nkene taa humu komi-  
tse. Moondjenda ze ta aza omanongelo ta-  
ge mŭ naŭuza ſili, oſoka ajihe ote ji aza ji  
li naua. Ongulu jojene ji li po ja kolongua  
naua no meni no kombanda. Iijagaja ja ko-  
mbua mo naua no ja jagajua po apehepehe.  
Niinima ja langekua pomaha gajo notsi ja  
pupulua po. Naanona haa gongala naua,  
ku jele. Nembo ljomazina tali holola, me-  
nongelo muka omu naantu oĵendji, haa zi-  
ginine ſili enongelo. Menongeko aanona  
haa pulakene naua, e taa hokolola no taa  
jamukula neui ljo opala ljopombanda. Ii-  
nongekua ajihe je ji ſi. Omŭtaleli ſo ha  
tala iinima mbjoka ajihe, e ta pulakene  
nzoka, ota naŭukua, oſoka oku ſi ſi, me-  
nongelo ndjoka aanona otaa taambiſua e  
taa taamba oondunge ombuanaua tazi ke  
ja kuaſa no kokule.

Ihe hamanongelo agehe ge li ngeji,  
aue. Oĵendji ge li po ga sa, inaga kolongua,  
inaga kombua mo iijagaja. No pondje ii-  
jagaja ju umbilua kombinga nombinga taji  
kunduka nolugumbo, ja fa, ja ningi oſiſa-  
ni ſenongelo oſokusiiſa aanongeki naano-  
ngekuz ohoni. Enongelo nge lja tameke,  
aanona aaſona ajeke haa azika mo, oĵendji  
haa ja konina, haa ja, haa ja, e taa kuzile  
mboka je li miilonga. Niſeue embo ljoma-  
zina tali holola, omu naantu oĵendji kaje  
ſi aaziginini, haa longo oonkuzu. Ngele  
taa pulua ja kala peni, ſoka inaa ja meno-  
ngelo, jamue taa muena, oſoka kaje na ſo-  
ka taa ti, jamue taa popi iilonga jiili no ji-  
li je ja kelele okuja mo. No jamue ja ka  
menekela peni na peni no kuua nokuli.  
Jamue jomujo taa popi tuu zu uka, oſoka  
ja li je niilonga ſili, noĵendji ja kelelua po  
kaakuluntu jauo, jaa na nando nenongelo.  
Ihe oiendji haa ipopile ouala. Na mboka  
haa popi uua, oſo haa ningi uo, oſoka  
Omuene guoſilongo naaua jalue ihaa kelale  
aanona komanongelo.

Omŭtaleli nge ta tala e ta pulakene  
enongelo lĵatjangeji, oha jemata momueſo  
gue, oſoka oku ſi ſi, oondunge tazi liko-  
lua menongelo ndjoka, ozo oofupi uunene.  
Ota jematele ugoja uaantu mboka, ji iho-  
lola, ja hala okukala momilema. Muujuni  
uongaſingeji aantu haa pulua oondunge  
oĵindji oziili no ziili haĵe zi nongekua  
momanongelo, ihe ongoka ine zi hala, ota  
ka hepa ouala.

Omŭntu kehe e hoole okuſigululiſa

aakuauo uuſiga ouindji uiili no uiili. Omŭ-  
samane, nomŭkulukazi oua hala okuſigulu-  
liſa aamuoje uu iga uoondunge nenge u'  
uugoja? Iipulapula ſono nomueſo guojel!

## ONDJODI.

Efiku limue onda tu ondjedi, ndi li ofika po-  
mitala itatu ja londafana, na satana e uja po, okua  
ti ku ame." Osike to li apa? Ame onda ti: "Ahue."  
Je ati: "Oto file po ondjala a pa ngenge ito fimane-  
ke age." Onda ti kuje: "Esi mua je na Jesus mo-  
mbuua omua ka ningile mo sike?" Okua ti: "Hamba!  
Oso to pula nge oso, fikama hano tu je moheli."  
Opo ne nda tja: "Sidalelue, ito si dulu." Nde hai  
londo komutala uotete na Satana ta londo jo, nde  
ta ti: "Fikama tu je momundilo!" Ame nda ti: "O-  
honde ja pja ponele jange." Onda ja komutivali na  
je jo, nde ta ti: "Fikama tu je u ka pje." Ame onda  
ti: "Jesus e ku uana." Opo ne nda londa komutala  
omutitatu, nde Jesus ta holoka pu ame hai saa-  
nia naje, hatu hale oku likuma. Tua taleſa kouni-  
nginino. Satana nokua ti ku Jesus: "Penge omunu  
ou oku noinima jange itandi mu efa nande osesi  
oku no nima jange, omunu ou oku nehandu lange."  
Oheli no ja jeuluka.

Satana okue liundula moheli, omundilo tau  
toudoka ua fa efundja, ua fa omeva omohite. Ndele  
satana okua nua po omundilo ou nde ta fi ngaſi  
omunu te fi osinona. Esi omuenjo uaje ua didila  
mo okua kunga omudilo.

Opo ne Jesus okua ti ku ame: "Tala, oulunga  
ue mu tulifa moluhepo lu fike opo." Ovakuetu ou  
ua hala satana e he ku sikulile mu pa asise saĵe  
esi u kuete fimbo pepi, ngenge u na sa saĵe ite ku  
efa, ote ku indile ko ku Jesus.

Nikodemus ja Ngilombua.

## OUDU LOM KOTA.

Oudu uomukota oo oudu mudju uu-  
nene neeſono, no hau tilifa unene kOva-  
uambo atuse. Nomokuhakulua kua o ovaſu  
tava endelele ſili, tava kongo oimbodi ei  
i kola neeſono, omuſu a siive okupaſuka,  
nohonde ipite mo. Notava sate omuſu ou  
ta vele, tave mu kuisse va hala naanaa o-  
kumana mo ohonde aise, tava ti, ohonde  
aise oja njonauka ngeno ipue mo aise.  
Ndele opo tuu opo pe li nai, sasi inatu  
dimbulukua naua nokutja mokukuikaulua  
otamu di osiponga, osesi omuſu ngenge a  
kuikua umue ota i oluiile, fikulimue ota fi  
nokuli, sasi muje kamu na vali ohonde ja  
pua mo, imue tai di mo jovene, imue tai  
kufua mo.

Mokuhakula kuoje lungama hano u ha  
dipae omukueni, ngenge ue mu nuefa oi-  
mbodi ikola lungama u he mu huange va-  
li konima ei ikola unene ngasiinja ue mu  
nuefa kokanja.

(Etsikilo kepanĵa etine)



## OMAGALIKANENO GU UVIKA.

(Etsikilo)

Mondolongo Onni okui itala omüne-  
lago, cšoka oluhepo luitkuulja no luonguo  
lua pu po. N'šeue okua peua iilonga, e  
ji longe. Manga kua li omūnōna, okua ho-  
kua okuhonga iiti. No mondolongo a lo-  
ngua okuhonga iiti nokupangela iinima jii-  
li, noji li. Ošo še mü nānuza.

Okuitezula kue.

Mošihongelo moka Onni okua aza  
omūpastori guondolongo ti ip ngelele iini-  
ma je muene. Omūpastori kua li e hoole  
ku longa mo, a uape okupopiša aakuatua  
noku ja tsejišila Kalunga nOmūkulili gua-  
uo Jesus Kristus. Tango Onni okue mü  
janda nokue mü zini, ihe omūpastori okue  
mū popiša aluhe naua nombili. Navulua  
Onni okue mü hokua nokua pulakene oo-  
hapu ze. Omūpastori šo kue mü hokolole-  
le omūsita a šigi po oonz' ze 99, a ka la-  
ndule ndjoka ja pukile miheke, no nkene  
kui igandja momahepeko no meso a uape  
oku mü hupiša, oohapu nžoka ze mü kuata  
Okue ži žilazila uusiku nomūteña nokua ži-  
mbulula, Jesus nkene e mü hoole. Ohoole  
tuu ndjoka okua li e ji hala no nale ma-  
nga a li omūnōna Onni okui igandja kO-  
mūkulili nokukala kue akuhe kua ningi  
okupe.

Onni ta mono egumbo liaandjauo

Iinima mbika ajihe Onni e ji žilazila  
nokua hambelele Kalunga omolu esilohe-  
nda lje, lje mü hupiša. Ihe ošinima šimue  
še mü kuša ombili. Ešimbo lje ljokukala  
mondolongo lja li popepi nokuhula po,  
ihe je ina tseja mpoka ta ji, nge te ešua  
mondolongo. Omūpastori okua li e mü u-  
vanekele oku mü kongela iilonga, ihe  
ngašingeji kua piti po iivike ijali, ine mü  
mona. Ngiika ine mü monena iilonga, ihe  
ngele ta nengua Onni e nokutameka iseue  
okuikongela iilonga ngaši šito. Ošo še mü  
tiliša uunene. Čngulohi jesiku ndjoka ina  
mona omposi komazilazilo ngoka. Navulua  
okua tula iikaha je kumue nokua galikana:  
„Kalunga, omūnamūtimahenda, kuša ndje  
iilonga negumbo ndi je mo. Ši ninga omo-  
lu Omūuoje Jesus Kristus.”

Esiku ljemangulug lja šikana. Omū-  
langeli guondolongo okue mü šindikile ko-  
šeelo šondolongo nokue ši mü egululile.  
Ošeelo šo še eguluka, Onni okua mono  
ko omūpastori gue, e mü tegelele. Omū-  
pastori nokua tameke oku mü hokololela  
nkene a kala no u mü kongela iilonga,  
ihe a nengua sigo uusiku tuu mbuka ua-  
hugunina Ohela, komatongo šo a li a ne-  
ngua ngeji, okua tsongolo nokua galikana

nokušiminika Kalunga nokuinekela omū-  
vaneke ge. Kalunga nokue mü uvu. Uusi-  
ku okua lala ondjoži. Omūsamane gumue  
nomūkulukazi gue, kua li e ja mono olui-  
ndji mongerki, ihe inc ja tseja ojo oolje,  
oja šikama pošeelo šegumbo ljauo no je  
mü egululile ošeelo. Pošeelo a mono ezina  
ljauo. Nokua papuzuka ihe' ina uapa ue  
okukošulula. Ongula okua meneka nokua  
ka konga egumbo ndjoka nokue li mono,  
olja li na na ngaši e li mono mondjoži je.  
Šo kua konkola, omūkulukazi oje tuu  
nguka okue ja nokue mü egululile ošeelo  
nokue mü išana a je megumbo. Okue mü  
fala mondjugo ombuanaua moka a li omū-  
samane gue. Šo ja li ja pendulašana, omūpa-  
sitori okue ja hokololele oohapu ze nondjo-  
ži je nokua pula ngele taa vulu okutaa-  
mba Onni megumbo ljauo, e ja jakule  
miilonga. Oja kuminua uunene oohapu  
nžoka noja tameke okupula Onni nomika-  
lo ze Omupastori okue ja hokololele ajihe,  
no šo ju uvu Onni okui tezulula nokui igand-  
ja kOmūkulili gue, oja nānukua noja-  
zimine oku mü taamba neñānu, kaje no-  
malimbililo Nomūsamane okua ti: „Mošini-  
ma šika otandi mono ošikaha ša Kalunga  
haši endiša okukala kuaantū. Ongame omū-  
hongu guiiti no nda li ndi nomulumentu  
a kuša ndje mokupangela iinima. Ihe  
ngašingeji ndili auike, ošoka omūkuāši gua-  
ndje okua tembuka po. Onda hepa omū-  
kuāši. Kalunga na hambelele, šoka a hala  
okutumina ndje omūgundjuka nguka oku-  
jakula ndjel!”

Onni okua li a pulakene ehokololo  
liomūpastori a kuminua neñānu lje, eta  
omahoži momeho ge.

Šo ja šiki kegumbo ndjoka, oja taa-  
mbua naua. Ihe omūkulukazi šo kua tala  
Onni okua haluka, okua pula omupastori!  
„Omūgundjuka nguka olje? Ezina lje oli-  
ni? Onni okua ti: Ezina ljaandje Onni kuu-  
šamo. Ezina lja noko, olje? „Elina.” „No-  
ko? Kandi mü ši, inaandi mu mona, ngaši  
inaandi mü uva ša. Ua valelua peni? Mu  
Helisinki. Noko a valelua peni? Omošila-  
ndo muka. Nena omūkulukazi okua lo-  
mbuele Onni' a ti: „Ongoje omumuandjel!  
Ila kungame! Kalunga he endiša ngini  
aantū! Onoko okua li omūmuandje, omū-  
valua auike. Onni okua haluka, ina tseja  
šoka ta žilazila. Ihe ošinima šo še mü fa-  
tukile, okua ji ku jinakulu nokua tsoongo-  
lo poompazi ze, nokua ti. Okuku' okuku!  
Najinakulu okue mü jambeke nejambeko  
ljOmua. Najehe ja muena, ja kuminua.  
Oja nžinzilike Kalunga nkene kua li e ja  
endiša nokue ja eta ngeji kumue.

(Tazi tsikilua)



(Etsikilo ljepandja etijali)

Ouhaku muua unene u dule uetu ou li posihakulilo. Osesi oko ita ku kuikua nande omuñu, ekuiko lako olo omuti oo to peua kunua, oo tuu oo tau pitifa mo oudu ause. Tau longo naua mohonde aise jomolutu opo ohonde tai uapala. Nokuhupilua opo jo ku li, omuñu oto hupilua tuu nânâ. Hano ava ha mu tila kosihakulilo moluoudu ou, ino tila vali. Ngenge oudu ou ue ku hanga endelela u je ko diava oto mono naanaa ekuafola uana, ngasi Kalunga muene a hala. Ndele apa pefjo itai popi po nande nande ndele ohaï popi asike pongali ngasi ovañu hava tila kosihakulilo tava ti: „itatu i kosihakulilo tu ka nangekue ongali. Opo tuu opo nda hala oku ku lombuela kosihakulilo kaku na nande ongali, oto hakulua tu ngasi ou na okuhakulua, endelela u je kosihakulilo ngenge oudu ou ue ku hanga.

N. S. Ndilenga

## OMAHAMBELELO.

Aausakosa jamue ja tumikiza omuhongi Römer, e eta omagano gauo komagongalo go mOuambo no ku seminari. Tatu ja pandula.

## Ekundo Ijandje kune

Kaasamane ajehe no k'aamati ajehe, aamuameme aakriste ajehe je li kUušimba.

Aakuetu aahoolike jandje. One jene omu ši ši naua, ešimbo lja ndje efupi okumu nolela Omuntu kehe ombapila je muene. Andola ndi ši ninge, iilonga ajihe jandje, ji nokuešiuua manganja šila.

Onke ano tandi mu indile mu taambe ekundilo Ijandje mombilive jimue. Oljo ndika: „Ondi ninge ngiini uuinaji u šike mpaka ndi jone ku Kalunga kandje.” Kalunga ne li mu jambekela mu li zilazile naua.

Josef ja Jakob manga a li mu Egipti megumbo lja Potifala. Kamua li megongalo Ijandjauo, nenge paakuluntu je aue, okua li muupika nokuli. Ihe Kalunga okua li pamue na je. Ano ta hokololua ngeji: okua li omulumentu e nelago. Omolua šike ano a kala e nelago ngeji? Omolua šoka. Uukriste ue inau kala maantu, ua mangua kaantu, ua talua kaantu, ua mangua

kaantu, moohe na Jina, maalongi je, maakuluntu jomagongalo, nomaakriste mboka haa li aantu koongulu, aue.

Uukriste ua Josef oua li ua kala mu Kalunga muene, ua mangua koohapu za Kalunga muene, Iipango ja Kalunga ajike ja kala momutse gue. Taji mu longo okuštala Kalunga nuujuki ue, taji mu iongo oku hoola Kalunga, je mü tsejša naua, Kalunga oje te mü tonatele šaa mpoka e li, oje ta tseja okukala kue, Potifala nando ite ši tseja.

Onke ano ta ti: „Ondi ninge ngiini uuinaji u šike mpaka ndi jone ku Kalunga kandje?”

Ano nane uo zimbulukueni šili, šoka mu li mUušimba, omu na uo, omahongololo ogendji, nga ngoka ga azele Josefa mu Egipti. Ndi ši uo aakiintu omo je li mUušimba ojendji,? Oje ši uo okuhongolola aakristelela je ja pukise. Oostola omozili uo, ži niinima taji mu heke, mokulanda mua hala uo, okujaka iinima jaabališi joostola? Iikunua ngaši ja popiua nale ku Sem Kasamane omo ji li uo ja hala okufala šaa ngoka muunkolui ji mü pukise ji mu fale momalugozi gosondaha, ngašinda mona mu hoole okukondja osondaha. Aluhe omahongololo kaga pu kujalulua muujuni auhe, taga fala aakriste.

„Omolua šike ano? Omolua šoka ooohapu za Kalunga itazi lešua ue ži ja pukulule okutila nokuhoola Kalunga. Ošo še e tele uukriste uunkundi. Iipango ja Kalunga je ešiuua, ihaji ja pangele ue, aue.

Aamuameme! Uukriste itau kolo šoka ua tala kaalongi, kaakuluntu jomagongalo, kaasita jomagongalo, no kaalijaantu koongulu. Nena ngele kaje po pungoje, ui ikalela kokule ngašika Josef ja Jakob oto tšnguka, ošoka ku li mu Kalunga nomiipango je.

Ano zimbulukueni elaka lja Josef: „Ondi ninge ngiini uuinaji u šike mpaka ndi jone ku Kalunga kandje? „ Okue li kuša peni? Omooohapu že. Leseni naua Eps 139: 1 – 18, 23, 24. 119: 97 – 105.

J, Iitope

## JALOO, NDANGI!

Omuambo, omukuetu, Martin Nujoma mu Usakos a tumina eongalo lomEngela oimaliva oisilinga 10 osali. Onge hatu mu pandula, ndele hatu mu halele enangeko noupuna ku Kalunga, ou ta jandjele ovasitua vaje oijandjiua iua.

Omufita ueongalo lomEngela.